



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1611. usque ad annum 1617

Fleury, Claude

August. Vind. [u.a.], 1777

VD18 90118898

§. 134. Ancræi Marescalli Domus a Parisino populo vastata.

[urn:nbn:de:hbz:466:1-67313](https://nbn-resolving.org/urn:nbn:de:hbz:466:1-67313)

Sæc. XVII.
A. C. 1616.

§. CXXXIV.

*Ancræi Marefcalli domus a Parisino
populo vastata.*

Summum, quo cuncta gerebantur, silentium haud præpedire poterat, quo minus illico fama ad Vindocinum, Mayenium & Bullionium deferretur, qui alieno periculo cauti Parisiis in suarum quisque sedium munitiora loca dilapsi sunt. Permanfit in Regia Dux Rohanus, qui ob hoc ipsum auctor mali creditus est, eoque magis, quod in custodiam abducto Condæo, qui eidem casu prætereunti calamitatem suam ingerebat, hæc respondisse feratur, *Laudo tui fati Authores, quia mihi pro jure legitimo est, quodcunque Regina jufferit.* Subscripsere etiam Principis detentioni Calvinistæ, quamquam amplam in diffidium segetem inde colligerent. Demum Condæus in Bastillam traducitur, ubi paulopost selecti ex Consilio Viri capto exponunt, innotuisse Regi prava Bullionii & Mayenii consilia, quibus Rex & Regina per structas vitæ utriusque insidias peterentur, id si ipse fate retur, non modo ei tanquam Principi malis artibus fascino parcendum, sed & mox liberandum; Ad hæc Condæus ingenii acie, qua pollebat, respondit,

se ita natum esse, ut non alibi, quam in Parlamento convocatis Franciæ Pa-
ribus judicari posset; instantibus autem hisce Judicibus, si eos tanquam Judices recusaverit, nulla habita Personæ ratione in ipsum, ejusque Socios legum severitate processum iri, Condæus intrepide ita respondit: *si ita judicer, satius est Sicarium unacum Sacerdote immitti, ut per hunc animam Deo, per illum vitam Regi committam; sic violentia, quæ incarcerationi principium, vitæ quoque finem dabit.* His dictis obmutuit, paulopost Bastillia in Vicenii nemoris honestiorem recessum translatus est, eoquod ejus uxor, quæ cum ipso ad Bastillix carceres ad initium sequentis anni capta abducebatur, gravida, brevi paritura esset. Ubi vero rumor de illata Condæo vi per urbem pervaserat, Tremollia ejus Mater, alique Nobiles, quorum intererat salvum habere Principem, cives ad arma concitarunt. Sparguntur ab aliis temere, ut fieri amat, murmura, vocesque incertis auctoribus, Condæum subornatis ab Ancræo sicariis in ipsa arce Regia trucidatum fuisse. Ea vox tantam in populo concitabat indignationem, ut campanæ pulsarentur, quod fieri non solet, nisi in publico incendio, vel hoste urbi vicino, aut civitate intestinis dissidiis laborante. Primos e-

qui-

Sæc. XVII.
A. C. 1616.

Sæc. XVII.
A. C. 1616.

quidem tumultuantium motus componebat Magistratus Parisini dexteritas; postridie nihilominus prævaluit dira in prædam libido, Principis vindicandi obtentu contecta; audito enim Ancræi nomine, factiosi quidam eum omnia mala perpetrasse judicabant, quia illum omnes odisse noverant; hinc lymphatis haud ab similes ad Ancræi Palatium concurrunt, illudque ferro, dolabris, ascis, & stipitibus invadunt, & ariete, faxisque portas effringunt, subruunt, atque irrumpunt, tectum ipsum plumbeis laminis nudant, interiora conclavium effringunt, diripiuntque, aurum, & argentum cunsum ac rude auferunt, ponderis utrumque maximi: gemmas item & uniones immensi pretii, peristromata, vestiarius universum Marchionis, suæque Conjugis, suppellectilem demum omnem, quaquaversus instructissimam, aut destruunt, aut diripiunt, hortum etiam & viridarium, equile, ceterique generis stabula destruunt, ac vix non domum ipsam fundamentis suis evellunt.

Nec fatis hæc hæctenus; altera enim die ad ædes Corbinelli, quem a consiliis arcanis Ancræus tunc habebat, insanorum conversa vis est, omnesque literæ, libelli, atque epistolæ disceptæ, cunctaque utensilia disjecta, rapta, destructa

fructa sunt, ac vastata. Nec valere Sæc. XVII.
 contra tantam tot furentium rabiem A. C. 1616.
 ullæ dehortantium preces, non arma-
 torum oppositæ comminationes. ac
 magistratum quidem urbicorum im-
 missa satellitum agmina, quæ ductore
 suo glande plumbea trajecto, confestim
 dilapsa sunt. Tandem vero Crequius
 cum Prætoria Regis cohorte accurrens
 tumultuantium furorem compescuit.
 Ceterum trecentis millibus aureorum
 æstimata sunt dispendia fortunæ illata
 Ancræanis. Altero mane Guisius Dux,
 & Cheuvreusius urbe profecti, ad Du-
 cem Mayenium prope Augustam Sues-
 sionum concessere, Præsides quoque,
 ac Consiliariorum nonnulli aufugerunt,
 deserto populo, qui belli civilis metu
 in ancipiti hærebat, paulopost tamen
 animo erectus, dum præconis voce de-
 nuntiatum, nullatenus subesse, quod
 metueret.

§. CXXXV.

*Franciæ Regis edictum contra Con-
dæum Principem.*

Iterata hæc Procerum fuga novorum
 tumultuum ac defectionum metum
 ingerebat; quocirca Rex die sexta Se-
 ptembris Curiam accessit, ibidemque
 causas, ob quas Condæum custodiæ
 dari